



Saints Joachim & Anne  
Armenian Apostolic Church

Ս. ՅՈՎԱԿԻՄ ԵՒ ԱՆՆԱ  
ՀԱՅՑ. ԱՌԱՔԵԼԱԿԱՆ ԵԿԵՂԵՑԻ

Pastor

Rev. Fr. DIRAN PAPA ZIAN, Archpriest

Տ. ՏԻՐԱՆ ԱՌ. ԶԻՆՑ. ՓԱՓԱՋԵԱՆ, Հոգև

Նոյեմբեր 30, 92

Հոգ. Տ. Հայկազուն Ծ.Վ. Նաճարեան,  
Առաջնորդի Փոխանորդ,  
Առաջնորդարան Հայոց որ ի նիւ Եորկ,

Սիրելի Հ. Հայկազուն,

Վերջերս եկեղեցիս օժտուեցաւ մարմարապատ երեք նորաշէն խորաններով (մայր խորանը եւ ըովնտի զոյգ խորանները) եւ երեք նոր իւղաներկ սրբապատկերներով, (իւրաքանչիւր խորանի համար), անշուշտ աւելորդ է ըսել որ մայր խորանի իւղաներկարը կը ներկայացնէ Սրբուհի Կոյս Սարիմար Սանուկ Յիսուսը զրկին, ըստ մեր ծիսական աւանդութեանց:

Առաջնորդը տեղեակ պահուած է եղածներուն եւ օժման թուական որոշուած է յատաշիկայ Ապրիլ 18, 1993:

Սոյն նամակին նպատակն է՝ աջակցութիւն խնդրել Առաջնորդարանէն որ մեզի տրամադրուի նոր խորանի եւ նկարի օժման արարողութեան յատուկ արարողութեան ուղեգոյց մը կամ կարգացոյց մը, հանդերձ նոթագրուած շարականներով եւ անհրաժեշտ նկատուած տեղեկութիւններով: Նկատի առնելով նաեւ օժման համար միւլոսնի առատ զործածութիւնը՝ անհրաժեշտ է որ բաւարար չափով միւլոսն ունենանք՝ եւ ուրեմն խոհեմութիւն պիտի ըլլայ որ այժմէն խնդրենք ձեզմէ որ մեզի համար փոքր սրուակ մը միւլոսն հայթայթուի:

Կը խնդրենք որ Առաջնորդի Փոխանորդի զրասենեակի խողովակով հարկ եղած տնօրինութիւնները ըլլան, իսկ եթէ ուրիշ զրասենեակի մը պատասխանատուութիւնն է, այդ պարագային սոյն խնդրանքները փոխանցուելու են հոն եւ այդ զրասենեակին միջոցաւ այս կարգադրութիւնները ըլլալու են եւ ժամանակ առաջ մեզի փութացուելու են մեր պարտականութեանց ցուցակը եւ խնդրուածքները, որպէս զի մենք ալ մեր կարգին գիտակ ըլլանք մեր ընելի՞ղին եւ պատրաստ գտնուինք երբ պահը հասնի:

Կանխայայտ շնորհակալութեամբ,

Յ.Գ. - Պատճէնը դրկուած Առաջնորդին  
առ ի տեղեկութիւն:

Մնամք ձերդ Աղօթակից՝

Տ. Տիրան Ա.Լ. Բինյ. Փափագեան